

FAAMASINOGA O FANUA MA SUAFA

Mataupu Faatulaga i Tuasivi 2023 (Fepuari 02)

SALELOLOGA:

1. FSS.22.117T.1, T.3 – Fanua SILAI'A/SATUNULAUTI i Salelologa.

i) Talosaga FSS.22.117T.1 – Sili Matautia Rula Levi, Tupuimatagi Peni Fereti, Peni Peni *faasaga ia Seumanu Viliamu.*

- *Ia faamaonia le laina tuaoi o le fanua o Silai'a i Sasae o le tulaga maota o le suafo Sili i Sapulu Salelologa ma ia faamaonia i se faaiuga le talaese o se vaega o le faletalimalo o Seumanu Viliamu ua sopo tele mai i Silai'a i lona itu Matu i Sasae, o le fanua o Silaia o le maota o le suafo Sili (Silisiliimatafaieseese) e pei ona taoto iai le faaiuga a le faamasinoga ALC.5446P1-P2, aso 06 Mati 2000, o le maota e pulea e le suafo Sili i Salelologa, ma o le fanua foi lea sa fai ai le faaleleiga i le ofisa i Tuasivi i le aso 17 Mati 1975 i le va o Sili Samuelu, Fiu Taafuli ina ua sili mai le fausiaina o le fale o Seumanu Taape ma sopoia ai lea lava laina tuaoi i Saute, Sasae o le fanua o Silai'a, ma o le faletalimalo o Seumanu Viliamu ua fausia ma sopoia ai le laina tuaoi i Matu i Sasa'e o Silai'a ua toe faaleleia ma toe atili faalatele mai i totonu o Silaia e pei foi o loo manino i le vaega 2 o le faaleleiga i le tausaga 1975, (o le a faasa'o lea tuaoi i le toe fausia o se fale fou o Sa Seumanu ma toe aafia ai lava tuaoi i Sasae o Silaia, ma o le laina tuaoi i Sasae o Silaia e faapea, Saute ma le sami o iai tulafale o Sa Sili, agai i Matu i le laina sa'o ma tuugamau o Sa Sili o iai pea seia paia le alatele o le malo e aafia ai se vaega tele o le fale talimalo o Seumanu Viliamu ua toe faalatele i le taimi nei ma mafua ai lenai talosaga, Matu i Sasae ma Satunulauti o le fanua o le suafo Seumanu ma Sisifo ma le fanua o Silaia e pulea e le suafo Sili.*

ii) Talosaga FSS.22.117T.3 – Sili Salati Titifa, Matafaieseese Tanielu Pauli *faasaga ia Seumanu Viliamu, Seumanu Elia, Seumanu Greta, Rev.Seumanu Lemuelu.*

- *Ia faamaonia tuaoi fanua o Satunulauti e pei ona tuuina atu i le Vaega 2 o lenei talosaga, ma ia toe faasa’oina le tuaoi fanua o Silai’a ma Satunulauti ina ia tusa ai ma le Maliega o le aso 17 Mati 1975, ma ia faia se poloaiga a le Faamasinoga ina ia talaeseina ai vaega o fale o i latou ua aafia ai lo matou fanua o Silai’a, o le fanua o Silaia o le fanua faaleaganuu e pulea e le suafa Sili, ao le fanua o Satunulauti e faasino lea i le suafa Seumanu, o ona tuaoi, Sasae ma le fanua o Satunulauti e faasino i le suafa Seumanu, Sisifo ma Matamatanononofo e faasino i le suafa Tuilimu, Matu ma le alatele o le malo, Saute ma le sami se vaega o Tauese e faasino i le suafa Pauli ma se vaega o Fatualua e faasino i le suafa Euga, ma o le itu i Saute i Sasae o Silaia lea sa aafia ina ua fausia le fale o Seumanu Taape, na afua ai le maliega ma le faaleleiga na faia i le aso 17 Mati 1975, ao le itu i Matu i Sasae o Silaia lea foi ua aafia i le fale tumau o Seumanu Viliamu ma lana itu na afua ai ona oo mai lenei mataupu i le tulafono.*

SAPAPALII:

2. FSS.22.110T.2 – Fanua o LALOVI i Sapapalii.

- i) **Talosaga FSS.22.110T.2 – Tuilaepa Lalovi, Faafetai Muaiala, Leilani Muaiala faasaga ia Seumanu Greta, Rev Lemmy Lototau Seumanu, Liomatua Laulii Seumanu c/- Seumanu Greta, Sulusulumavasa Aiva c/- Greta Seumanu.**
 - *Ia faamaonia le taofia o le fausia o le fale o le itu tetee ua fuafua i luga o le fanua o Lalovi sei nofoia le suafa Lototau e pulea le fanua, ona fai lea iai o sona finagalo, ma ia taofia le itu tetee mai lo latou fia pulepuletutuina o mea fai i luga o le fanua o lenei aiga, ma o le itu tagi o suli moni o le suafa Lototau o Sapapalii, o le fanua foi o Lalovi o le laoa o le suafa Lototau o Sapapalii ma e pulea e le suafa Lototau o Sapapalii e pei ona faamaonia i le faaiuga a le Faamasinoga ALC.5251P3-P6 aso 4 Tesema 2019, ma e leo nofoia le suafa Lototau o le aiga i le taimi nei ae ua faaalua le pule malosi a le itu tetee i le fanua o lenei aiga, ma ua latou finagalo ai e tala i lalo le fale o loo i le tulagafale o le aiga ae fai ai lo latou fale, ma e leo nonofo foi i Sapapalii le itu tetee o loo alala i Salelologa e lei iai foi se feiloaiga faapea se malilie a suli uma o le suafa Lototau tusa ai ma le faamoemoe o le itu tetee, ma e leai se pule o i le itu tetee latou te faapea mai ai ia vaevaeina le fanua aua ua faamaonia le pule o Lalovi ua nao le suafa Lototau.*

FALEALUPO:

3. FSS.22.136T.1 – Suafa LIU o Falealupo.

i) Talosaga FSS.22.136T.1 – Lautava Seumanutafa, Soonalote Seumanutafa, Afioga Seumanutafa faasaga ia Aeau Chris Hazelman, Seumanutafa Lima Vaepule, Setielu Liu Matagi, Too Saveasiuleo.

- *Ia faamaonia o le suafa Liu e pulea faasa’o e le suafa Lafaialii e suli faatasi ai le itu tagi ma le itu tetee, ma ia faamaonia le soloia ma le faaleaogaina o nofo a Setielu Liu Matagi ma Too Saveasiuleo ua faia i le suafa Liu o Falealupo ma faasalalauina i le Savali 28/11/2022, ma ia faamaonia loa vaega uma o la matou talosaga ua taua i luga, o le itu tagi ma le itu tetee o le aiga e tasi i le suafa Liu ua finau ai, o le taimi nei e leo iai se suafa Lafaialii o le aiga ma e le o talafeagai ai faapogai o nofo, ma o le faatinoina faamalosi e le itu tetee o nofo e lei logoina le itu tagi mo se feiloaiga ma se maliliea, aua ua maea ona tuumatamaga le filifiliga o le suafa Liu i Suli tamatane e iai le itu tetee ua faapogai i nofo ma suli tama fafine e iai le itu tagi, ma o le a faamanino i le aso o le Faamasinoga.*

GATAIVAI:

4. FSS.21.013T.4 – Suafa SAUFATU o Gataivai.

i) Talosaga FSS.21.013T.4 – Tiatia Ieremia, Letoi Tuputala, Fagamalo Siaosi, Laupua Sili, Tiatia Epeloge, Maiava Siologa mo Alii ma Faipule o Gataivai faasaga ia Tiatia Elia, Manufotu Faalialia.

- *Ia matua teena le pule a le itu tetee pei ona faatulai mai i lenei suafa ma ia soloia loa a latou nofo pei ona sa faia ai, ma o le pule o le suafa Saufatu i Gataivai e iai lea i alii ma faipule o le nuu o Gataivai, ma o soo se aiga e fia faia ni a latou nofo i lenei suafa e ao ona tapa se maliea o Alii ma Faipule ona faatoa mafai lea ona faatino o se nofo poo ni nofo, ma o Alii ma Faipule lava e faapogai ai, o le suafa Saufatu o le matai faa-Salemuliaga e pule ai alii ma faipule, ma o lenei suafa o loo i lalo lava o le pule mamalu a alii ma faipule ma e lei tuuina foi i ni aiga o le nuu se pule e faatino ai ni a latou matai ma e lei maoti foi aiga ua faasino iai lenei suafa, o lona uiga o loo iai lava i le nuu le malosiaga e faatino ai ni nofo poo se nofo, ma o nofo foi a le itu tetee sa faanoi atu i le nuu ma talia ai e alii ma faipule le faia o nofo ma tapa ai ipu i le aso o le fono a le nuu.*

FALEALUPO:

3. FSS.22.136T.1 - Suafa LIU o Falealupo.

i) Talosaga FSS.22.136 – Lautava Seumanutafa, Soonalote Seumanutafa, Afioga Seumanutafa *faasaga ia* Aeau Chris Hazelman, Seumanutafa Lima Vaepule, Setielu Liu Matagi, Too Saveasiuleo.

- *Ia faamaonia loa o le suafa Liu e pulea faasa’o e le suafa Lafaialii e sulī faatasi ai le itu tagi ma le itu tetee, ma ia faamaonia foi le soloia ma le faaleaogaina o nofo a Setielu Liu Matagi ma Too Saveasiuleo ua faia i le suafa Liu o Falealupo ma*

faasalalauina i le Savali 28/11/2022, ma ia faamaonia loa vaega uma o la matou talosaga ua taua i luga, o le itu tagi ma le itu tetee o le aiga e tasi i le suafa Lii, ma o le suafa Lii foi e pulea faasa'o e le suafa Lafaiiali e suli mai ai le itu tagi ma le itu tetee, ma o le taimi nei e leo iai se suafa Lafaiiali o le aiga, ma e le o talafeagai ai faapogai o nofo ua taua i luga, ma o le faatinoina faamalosi e le itu tetee o nofo e lei logoina le itu tagi mo se feiloaiga ma se maliliea aua ua maea ona tuumatamaga le filifiliga o le suafa Lii i Suli Tamatane e iai le itu tetee ua faapogai i nofo ma suli Tamafafine e iai le itu tagi.

GATAIVAI:

3. FSS.21.013T.4 – Suafa SAUFATU o Gataivai.

i) Talosaga FSS.21.013T.4 – Tiatia Ieremia, Letoi Tuputala, Fagamalo Siaosi, Laupua Sili, Tiatia Epeloge, Maiava Siologa mo Alii ma Faipule faasaga ia Tiatia Elia, Manufotu Faalialia.

- Ia matua teena le pule a le itu tetee ua faatulai mai i lenei suafa ma ia soloia loa a latou nofo pei ona sa faia ai, ma o le pule o le suafa Saufatu i Gataivai e iai lea i Alii ma Faipule o le nuu o Gataivai, ona o soo se aiga e fia faia ni a latou nofo i lenei suafa e ao ona tapa se maliea o Alii ma Faipule ona faatoa mafai lea ona faatino ose nofo poo ni nofo, ma o Alii ma Faipule lava e faapogai ai, ma o le suafa Saufatu o le matai faa-Salemuliaga e pule ai Alii ma Faipule o Gataivai, ma o lenei foi suafa o loo i lalo lava o le pule mamalu a Alii ma Faipule ma e lei tuuina foi i ni aiga o le nuu se pule e faatino ai ni a latou matai, ma e lei maoti foi aiga ua faasino iai lenei suafa, o lona uiga o loo iai lava i le nuu le malosiaga e faatino ai ni nofo poo se nofo, ma o nofo a le itu tetee sa faanoi atu i le nuu ma talia ai e Alii ma Faipule le faia o nofo, ma tapa ai ipu i le aso o le fono a le nuu.*